


Menyuam mos Pw Cobphum



Nrog Koj Tus Menyuam Pw Yam Muaj Kev Cobphum

Tej txhia niam muab lawv cov menyuam mos los puag pw nrog lawv tomqab uas yug los thiab ntau lub hlis tomqab ntawd. Tej txhia niamtxiv muab lawv cov menyuam mos los puag pw nrog lawv vim lawv nyiam ua li ntawd. Muaj coob tsevneeg nyiam muab lawv cov menyuam los puag nrog lawv pw kom tus menyuam ncawg leej niam, pub tau niam mis rau nws noj, thiab saib xyuas tau yoojyim thaum tus menyuam quaj. Tsab ntawv no yog tsim los qhia kom cov niamtxiv pw tau nrog lawv cov menyuam yam muaj kev cobphum.

- **Muab koj tus menyuam pw ntxeev tiaj.** Pw ntxeev tiaj yog yog txoj kev pw uas zoo tshaj rau cov menyuam mos. Nco ntsoov tsis txhob muab dabtsi los xiab los tiag kom nws tig tsis tau li.
- **Ceevfaj thaum siv qee yam tshuaj noj uas siv ntawv yuav lossis ciali mus yuav tom khw los noj.** Yog tias koj noj ib cov tshuaj uas ua rau koj tsuagzog heev, pw tsis tsim li, lossis nkees heev, qhov zoo tshaj mas yog muab koj tus menyuam pw hauv ib lub txaj me uas teeb ntawm koj lub txaj ib sab thaum koj tseem noj cov tshuaj no xwv koj thiaj li tsis pw tsuam lossis npog koj tus menyuam lub qhov ncauj.
- **Ua zoo xyuas tej txaj chaw lossis ntaub pua txaj uas koj siv.** Cov tog rau ncoo uas pog pog, cov khoom uasi uas xuas rwb ntsaws, ntaub yas, thiab ntaub pua chaw uas xoob muaj cuabkav yuav npog tau menyuam qhov ncauj kom nws ua tsis taus pa thiab tsis tsimnyog coj los siv hauv lub chaw uas cov menyuam mos pw. Koj tsimnyog muab koj tus menyuam mos pw hauv ib lub txaj uas tiaj thiab muaj ntaub pua looj lub txaj. Tsis txhob siv cov pamrwb uas tuab lossis ntau daim pam ntawm lub chaw uas koj tus menyuam mos pw.
- **Tsis txhob haus cawv lossis siv yeeb-tshuaj.** Yog tias koj lossis koj tus txiv tau haus cawv lossis siv yeeb-tshuaj lawm, tsis txhob muab koj tus menyuam mos los pw nrog koj. Cawv thiab yeeb-tshuaj yuav ua rau koj dabdub tuab thiab tsis hnov thaum koj tus menyuam nti thiab quaj.

Lwm lub Tswvyim Pab Kom Pw Muaj Kev Cobphum

- **Tsis txhob kheev** leejtwg los haus luamyeeb ze koj tus menyuam mos. Pa luamyeeb yuav ua rau koj tus menyuam mos ua tsis taus pa thiab muaj cuabkav yuav ua rau nws muaj teebmeem hlab siab hlab ntsws thiab lwm yam. Tsis txhob muab koj tus menyuam pw nrog koj yog tias koj yog ib tus tibneeg haus luamyeeb.
- Tsis txhob muab koj tus menyuam mos pw rau tej qhov chaw xwsli sofas, rooj zaum, txaj ntim dej, tog, lossis hlab ntim noob taum. Cov no tsis yog cov chaw zoo rau cov menyuam mos pw thiab muaj cuabkav npog menyuam qhov ncauj lossis tig tsis tau.
- Tsis txhob ua rau koj tus menyuam sov dhau hww. Muab tej khaub ncaws nyias rau koj tus menyuam hnav pw, thiab ua kom koj lub tsev sov nyob taus xwb. Tsis txhob muab khaub ncaws ntau dhau rau koj tus menyuam hnav, thiab thaum koj xuas nws tsis pub kom nws kub lug lossis tawm hws lug.

Cov kev qhia Pw Kom Muaj Kev Cobphum no tseemceeb heev thiab yuav txhawb txoj kev uas ua kom menyuam ncawg yus thiab muaj kev nojqab haushuv thiab cobphum rau menyuam. Yog tias koj ua raws li cov uas hais los saum toj no, koj yog ib tus uas muab txoj kev cobphum thiab txhawb txoj kev uas zoo rau koj tus menyuam.

Yog xav tau kev qhia ntxiv txog cov kev uas pw cobphum thov hu rau Contra Costa txoj kev Pabcuam SIDS ntawm (925) 313-6254

Yog xav tau kev qhia ntxiv txog kev pub niam mis rau menyuam noj thov hu rau Contra Costa txoj kev Pub Niam mis rau menyuam noj tus xovtooj Hu Dawb ntawm (866) 878-7767